



SIARAN MEDIA
MAJLIS AGAMA ISLAM DAN 'ADAT MELAYU PERAK (MAIPK)
PANDUAN SAMBUTAN 1 SYAWAL 1442
DI NEGERI PERAK DARUL RIDZUAN

Duli Yang Maha Mulia Paduka Seri Sultan Perak Darul Ridzuan menzahirkan kebimbangan dengan bilangan jangkitan pesakit COVID-19 yang menular dengan angka yang begitu tinggi. Mengambil maklum status semasa penularan wabak COVID-19 yang dipersembahkan oleh Jabatan Kesihatan Negeri (KKM) dan Majlis Keselamatan (MKN) Negeri Perak, serta berlandaskan sembah nasihat Jawatankuasa Fatwa Negeri Perak, dengan ini baginda menzahirkan titah perkenan berikut:

1. Membatalkan hasrat baginda untuk berangkat bersolat Sunat Aidilfitri bersama rakyat di Masjid Ubudiah Kuala Kangsar.
2. Membatalkan hasrat baginda mengadakan acara jamuan Aidilfitri di Istana Iskandariah Kuala Kangsar.
3. Masjid dan surau mengadakan Solat Sunat Aidilfitri dengan had jemaah menurut yang ditetapkan oleh Kementerian Kesihatan dan Majlis Keselamatan Negara.
4. Kehadiran Solat Aidilfitri di masjid dan surau terhad kepada warganegara Malaysia berusia 12 tahun ke atas.
5. Membenarkan Solat Sunat Aidilfitri diadakan di kawasan lapang dan terbuka tidak melebihi 50 orang dengan mematuhi jarak fizikal.
6. Tidak mengadakan jamuan di masjid, surau dan kawasan lapang terbuka selepas Solat Sunat Aidilfitri.

7. Takbir Raya dibolehkan di masjid dan surau tetapi tidak dibenarkan dari rumah ke rumah.
8. Tidak melakukan ziarah kubur.

Baginda menzahirkan ingatan agar rakyat memahami tahap keseriusan penularan wabak dan turut mengambil tanggungjawab membantu memutuskan rangkaian jangkitan serta menunjukkan simpati kepada para petugas barisan hadapan, terutama para petugas perubatan dan kesihatan dengan mematuhi SOP yang ditetapkan.

DYMM Sultan Nazrin Muizzuddin Shah dan DYMM Raja Permaisuri Perak, Tuanku Zara Salim menzahirkan ucapan Selamat Hari Raya kepada seluruh rakyat baginda di samping mendoakan kesejahteraan rakyat serta ketabahan rakyat menghadapi ujian Ilahi ini.

Dikeluarkan dengan menjunjung titah perkenan
Duli Yang Maha Mulia Paduka Seri Sultan Perak Darul Ridzuan



Dato' Seri Mohd. Annuar bin Zaini
Yang Dipertua
Majlis Agama Islam dan Adat Melayu Perak

29 Ramadan 1442 / 11 Mei 2021.